

Pripreme za Sedamnaestu godišnju zlocina nad civilima Zvornika i kolektivnu dženazu i ukop 41 identificirane žrtve

## ZVORNICANI PODSJECAJU NA STRAVICNE ZLOCINE



Pripreme za dženazu i ukop civilnih žrtava rata sa područja općine Zvornik, planiranu za 1. juni 2009. godine uveliko se provode. Radovi na uređenju Memorijalnog centra u Gornjoj Kalesiji bit će okončani već naredne sedmice kada će se elektrifikacijom ovog lokaliteta stvoriti svi uslovi za održavanje velikog komemorativnog skupa. Pristupne staze su nasute, pripremljeni parking prostori, a još preostaju aktivnosti na iskopu grobnih mjesta. Planirane su još dvije identifikacije tijela žrtava, tako da će trenutni broj od 41 identificirane žrtve vjerovatno dostići broj od pedeset tijela spremnih za ukop.



Na jučer održanoj sjednici Organizacionog odbora tuzlanski muftija Husein ef. Kavazović kazao je kako će se pored organizacije kolektivne dženaze ove godine obilježiti Sedamnaesta godišnjica zlocina počinjenih nad Bošnjacima Zvornika. Planirano je da se uoči dženaze u Zvorniku održi komemoracija žrtvama zlocina i prouci tevhid. Prema riječima Ahmeta Grahica, predsjednika Udruženja porodica zarobljenih i nestalih lica, Zvornicani s tugom i bolom obilježavaju 1. juni 1992. kada je u jednom danu zarobljeno i ubijeno više od 750 civila. Ovaj događaj je uz Srebrenički genocid, najveći kolektivni zlocin počinjen u proteklom ratu. O tom događaju bit će govoreno i na komemoraciji planiranoj za 31. maj u Sali Medžlisa Islamske zajednice Zvornik.

Vjerske i kulturne manifestacije bit će održane i u drugim zvorničkim naseljima u koja su se vratili Bošnjaci. Inace, prva sedmica juna tradicionalno je već u ovom gradu rezervirana za kulturnu i vjersku manifestaciju Dani Hasana Kaimije, kada se u Zvorniku okupljaju Zvornicani iz cijeloga svijeta, ali i brojni prijatelji ovoga grada iz BiH i Regiona.

Zvornik 19. maj 2009.

BMG Bosanska medijska grupa